

**-SAVJET ZA RODNU RAVNOPRAVNOST-**

Broj: 0101-6544-1/25

Sarajevo, 09. 07. 2025. godine

Z A P I S N I K**SA 9. SJEDNICE SAVJETA ZA RODNU RAVNOPRAVNOST
UNIVERZITETA U SARAJEVU ODRŽANE 09. 07. 2025. GODINE**

Prisutne/i: prof. dr. Amila Ždralović, predsjednica, dr. sci. Gaj Trifković, prof. dr. Zilka Spahić-Šiljak, prof. dr. Ajla Demiragić, prof. dr. Dženita Hadžijunuzović-Alagić i dr. sci. Maida Hadžić Omanović, članice/ovi.

Odsutne: prof. dr. Jasna Kovačević, prof. dr. Belma Memić i van. prof. Džana Pinjo Haračić, članice.

Sjednica je počela u 14:00 sati.

Sjednicom je predsjedavala prof. dr. Amila Ždralović, predsjednica Savjeta na čiji je prijedlog jednoglasno usvojen slijedeći

D N E V N I R E D:

1. Zapisnik sa 8. sjednice Savjeta za rodnu ravnopravnost Univerziteta u Sarajevu (elektronska sjednica) održane 13. 03. 2025. godine
2. Analiza prikupljenih podataka u sklopu *Akcionog plana za rodnu ravnopravnost Univerziteta u Sarajevu (GAP UNSA) 2024-2026.*
3. Plan aktivnosti Savjeta za rodnu ravnopravnost za period septembar - decembar 2025. godine u sklopu *Akcionog plana za rodnu ravnopravnost Univerziteta u Sarajevu (GAP UNSA) 2024-2026.*
4. Informacija o realizaciji Inicijative Savjeta za rodnu ravnopravnost za dodjelu zahvalnice TPO fondaciji
5. Tekuća pitanja.

TOK SJEDNICE

Ad-1.

Zapisnik sa 8. sjednice Savjeta za rodnu ravnopravnost Univerziteta u Sarajevu (elektronska sjednica) održane 13. 03. 2025. godine, jednoglasno je usvojen.

Ad-2.

Analiza prikupljenih podataka u sklopu Akcionog plana za rodnu ravnopravnost Univerziteta u Sarajevu (GAP UNSA) 2024-2026:

Članice i članovi Savjeta su informisani da su, u skladu s operativnim planom Akcionog plana za rodnu ravnopravnost Univerziteta u Sarajevu (GAP UNSA) 2024–2026, prikupljeni podaci iz Službe za naučnoistraživački rad Univerziteta u Sarajevu. Analiza se odnosi na sljedeće:

- Rodna zastupljenost autora i autorica koji/e objavljuju naučne radove u visokoindeksiranim časopisima.
- Zastupljenost žena i muškaraca u istraživačkim projektima u oblasti nauke i umjetnosti, kao i u rukovodećim ulogama u tim projektima (projekti Federalnog ministarstva obrazovanja i nauke – FMON, te kantonalni projekti).

Takoder, analizirani su i podaci o upisu studenata i studentica po ciklusima studija za akademsku 2024/2025. godinu. Uočena je neusklađenost u brojevima konačno upisanih studenata u prvu godinu prvog ciklusa, kao i nekompletnost podataka za treći ciklus studija – za pojedine članice Univerziteta podaci nisu dostavljeni ili nisu ažurni.

Savjet je zaključio da je, radi osiguravanja tačnosti i potpunosti, neophodno zatražiti od fakulteta, akademija i Centra podatke o ukupnom broju diplomiranih studentica i studenata po svim ciklusima studija.

Ad-3.

Plan aktivnosti Savjeta za rodnu ravnopravnost za period septembar - decembar 2025. godine u sklopu Akcionog plana za rodnu ravnopravnost Univerziteta u Sarajevu (GAP UNSA) 2024-2026:

Na sjednici je razmatran plan aktivnosti Savjeta za rodnu ravnopravnost za period septembar – decembar 2025. godine, u okviru GAP UNSA 2024–2026. Tom prilikom je konstatovano da je potrebno zatražiti od svih članica Univerziteta (fakulteta, akademija, instituta) sljedeće podatke:

- Broj zaposlenih žena i muškaraca iz reda nenastavnog osoblja.

- Strukturiranje tih podataka po službama i sistematiziranim radnim mjestima.

Ova aktivnost je neophodna za dodatnu analizu rodne ravnoteže u stručnim, administrativnim i tehničkim službama Univerziteta.

Ad-4.

Informacija o realizaciji Inicijative Savjeta za rodnu ravnopravnost za dodjelu zahvalnice TPO fondaciji:

Prof. dr. Amila Ždralović je informisala članice i članove Savjeta da je na sjednici Senata Univerziteta u Sarajevu održanoj 28. maja 2025. godine, u skladu s Inicijativom Savjeta i uz podršku Odbora za dodjelu univerzitetskih priznanja, donesena Odluka o dodjeli Zahvalnice Univerziteta u Sarajevu TPO fondaciji.

Zahvalnica se dodjeljuje za izuzetan doprinos izgradnji rodno odgovornog i inkluzivnog Univerziteta u Sarajevu.

Ad-5.

Tekuća pitanja:

- Članice i članovi Savjeta su razmatrali pitanje postavljanja sandučića za pritužbe na članicama Univerziteta. Istaknuto je da sandučići ne bi smjeli biti pod video nadzorom, kako bi se očuvala privatnost i povjerljivost osoba koje podnose pritužbe.
- Također, članice i članovi Savjeta su informirani da je potrebno shodno odlukama o imenovanju savjetnica/savjetnika za prevenciju seksualnog i rodno zasnovanog uznemiravanja na članicama Univerziteta, a kojima u 2025. godini ističe period na koji su imenovani, odluke o imenovanju ili produžiti ili imenovati nove savjetnice/savjetnike.

Sjednica je završena u 15:20 sati

PREDSJEDNICA SAVJETA

Prof. dr. Amila Ždralović

Za Zapisnik:

Alma Voloder-Madacki, dipl.iur.